



# Bájkkeavijssa NuorttaSálto

## Goabdes Alexandriaj?

■ Duodjár Luovta-Ánddi (Anders Paulsen) Tjierrekluovtas Divtasvuonan le oadtjum ietjas vuosádusáv Árran julevsáme guovdátjin dán giese. 12 jage dássta ávdđála lij akta suv goabddájs Egyptaj mannamin...

Árran sihtá guddnedi avtav tjiehpemus julevsáme garraduodjárjjs, Anders Paulsen Tjierrekluovtas Divtasvuonan, sierralágásj vuosádusájn dán giese. Ávdep Norcem-jádediddje Arne Qvam vuosádusáv rabáj snjilltjamáno 4. biejve ja doajmme suohkanoajvve Guttorm Aasebøstøl vuostatjin hálaj. Divtasvuona suohkana Stig Eriksen aj hálaj ja Lars Magne Andreassen tjuojadij ja lávloj. Lis Mari Hjortfors guhti vuosádusá ávdás vásstet álgadij rahpamav subtsadime Árrana ájggomusáj vuosádusájn. Oajvvepersávnna iesj májádij.

### Væráltgirjjevuorkkáj Egyptan

Anders Paulsen (69) le garraduojij duodjuham badjelasj 50 jage, sáme árbbedábij milta ja buktagijt dahká muoras, tjoarves ja metállas. Moadda suv buktagijs li jávsádam duon dán tjiehkaj Vuona rijkas ja Arne Qvam giehtoj akta suv nijbijs le vattedum ávdep stáhtaminisstarj Gro Harlem Brundtlandaj. 12 jage dássta ávdđála bájkkeavijssa tjálij suv goabddá birra mav ájggun vuosádallat Alexandrian væráltgirjjevuorká álggovuosádusán Egyptan. Sihke Anders ja dallusj



Ávdep Norcem-direktørra Arne Qvam rabáj vuosádusáv gánná Luovta-Ándi bargo vuosáduvvi álles giese. Dáppe aktan barggohárijidallamoahppijn Oda-Elén Nilsenijn vuosádusrahpamin snjilltjamáno 4. biejve.

Tidligere Norcem-direktør Arne Qvam åpnet utstillingen hvor Anders Paulsens arbeider blir vist frem i hele sommer. Her sammen med praksiselev Oda-Elén Nilsen under åpningen av utstillingen 4. juli.

suohkanoajvve, Leif Klæboe lijga gárvvása manátjit vuoratjismánon jagen 2002, ruhtaduvvam álggorijka-departementas. Valla mannoguoyme

buorgoduvvin mannamis, dan diehti gå lij stuojmme Egyptan. Valla goabdes ja moadda ietjá buvtaga Paulsenis Árrana dávvervuorkan vuosadaláduvvi dán giese. Dálle le aj usjudallam soajttá le máhttelis goabddáv ádásis rádjat Egyptaj, giesevuosádusá maññela.

- Luluj læhkám viehka suohtas, javllá Lis-Mari Hjortfors, guhti le vuosádusá ávdásvásstediddje ja guhti le alvaduvvam Anders Paulsena duojijs.
- Sån má dahká ájvanduojve ja midjij le guddenen gå miján le dákkir vuosádus akta dábdusamos garraduodjárjjs Divtasvuonan, javlla Hjortfors.

Suv milta le Ánddi njunnusj duodjárj gaskan Divtasvuonan. Suv nijbijs, guvsijjs náhpjjs, hervajs ja ájn vil ienep li moaddása berustam. Le aj moadda duodjekursa ásadam ja duodjeáhpaddjen barggam. Iesj le áhpadduvvam Sámiij áhpaddusguovdátjin Jáhkámáhen.

- Duoje ma vuoseduvvi li Árrana vuorkájs ja luojkadum duoje duola dagu rádeviesos ja girjjevuorkás/sáme girjjebussas Divtasvuona suohkanin ja aj priváhta vuorkájs, subtsas Hjortfors, guhti sávvá gájkajt vájmulattjat buorisboahtem vuosádussaj mij le rabás álles giese.



Ánddi ja gæhttje. Luovta-Ánddi gæhttjij ságastallá, oalgas bielen vuojnu akta gierkkamijs boahhtsunáhkes mav Ánddi le dahkam.

Anders og publikum. Anders Paulsen i hyggelig samtale med publikum, til høyre ser vi en av komsene i reinskinn som Paulsen har laget.



Tæksta: Kitty Skapalen  
Gåvå: Ragnhild Lien  
Járggálibme: Divte Media AS/  
Adrian N. Mikkelsen